

特
和
822
/



明和 18
瑞 822
卷 14

特



大東詩集序

書林藻雅堂主人刻大東

詩集視余請序曰 昭代

文化之隆操觚之士人人

自許而謂不讓開天嘉隆

大東詩集序

諸子矣吾儕不知詩焉容
一言惟此刻也世有不屑
此小技捨而不錄者或有
欲傳之而力不足者或其
人物故遺艸零落者或本

集既行于世而逸之者今
不搜括恐其長湮滅是以
夤緣檢索隨獲錄之遂成
帙也如其裁擇則後世必
有有識君子刪詩者且小

人生生活之所由恬然喪之
不亦藝苑之罪人乎頃有
本邦詩選者採方今名家
之詩特收所聞于道路者
一一謂之選甚可怪焉我

則異是纂以待君子之選
者也余曰善然今之詩者
皆祖逖南塘之雄乎何者
從擬議以成變化之說一
啓偷兒之竇公然劫鈔爲

事而詩非其詩謂之非其
有盡劫之則無復有詩矣
乃手披之所收錄亡慮數
十家如今稱宗師者皆在
余匿笑曰序之我豈敢我

豈敢且賤姓名亦廁其間
彼是非所宜也主人曰害
不可敢請余雖不强拒之
其何言吁謂辭之不許而
爲伯石辭卿之伎倆也久

矣余居恒不諛且自矜爲
志卽次席上咕對之語爲
序以塞其責云爾

狂齋原公逸識



允例

一此編若有後輩在前先輩却在後者以得詩之次錄之且不知孰爲先孰爲後也

一諸名家本集已梓行者拾其遺而收之

一名字別號及鄉里闕之者無由詳之也

一幼年之人皆記其年甲者慮大成後其不止斯也。

一國字句讀便初學者若其有誤固不習之所致也幸恕之。

一生業之暇一人之手輯集綜理之功不能盡之必有遺脫者覽者察之。

一今所刻雖諸體略具猶將博請而

傳之於天下雲顧君子不惜太府

寸珍源被投鼻收於後篇嗣刻

之為促後來之賜暫刻之以布於

四方云

一自今以後海內諸君子賜盛作者

不嫌識之與不識直致諸嘉許認

卷末所記莫誤馬

江都書林

舟木嘉輔謹識

Blank columns for text on the right page.

七言絕句 共二百三十一首
詩集統載

Blank columns for text on the left page.

總目

卷之一

五言古

共二十九首

卷之二

七言古

共二十五首

卷之三

五言律

共百十三首

卷之四

五言排律 共十六首

卷之五

七言律 共百六十三首

七言排律 共二首

卷之六

五言絕句 共九十九首

六言 共四首

卷之七

詩人姓名

字惠

字子迪 号瀟水 稱字佐

餘承裕

美惠介 雲州侯 儒官

未刻

鳴鳳卿

字歸德 号錦江 一号芙蓉道人 稱道竹東都儒官

鶉孟一

字子寧 東都人有桃花園稿 鷄助集行于世

稻垣長章

字穉明 号白巖 東都人 土井大野侯大夫 集行于世

松崎惟時

字君修号觀海称才藏
丹波龜山侯臣有集

劉維翰

字文翼号竜門一号薜
蘿館称宮瀨三右衛門

南紀人

林義卿

字周父号東溟長州人

服元立

字仲山東都人

井通熙

字子叔号蘭臺称井上
嘉膳備前岡山儒臣

谷友信

字文卿号藍水称玄圃
東都人所著藍水詩草

行于世

宮田明

字子亮号金峰一号觀
水室称迂齋和州人

野公臺

字子賤号東阜称野村
新左衛門江州彦根人

所著藁園集行于世

山惟熊

字子祥号懷月樓称藤
山五郎兵衛杵筑侯臣

東都人

紀德民

字世馨号平洲一号鸚
鳴館称細井甚三郎尾

陽儒臣

井純卿

以字行号金峩一号考
槃堂称井上文平東都

人

關修齡

字君長号松窓東都人

安修

字文仲号清河下毛人

古昂

字公欵号昔陽称古屋
重次号肥後人

入江貞

字士實号北海称幸八
羽州人

井潛

字仲竜号四明称井上
仲備前岡山儒臣

源惟馨

字德明号東海東奥人

稻垣長和

字惠明号東山東奥人
稻垣白巖義子

内田叔明

字子和号高陽一号松
石齋称中山清右衛門
土佐人

仲廷冲

梅澤肅

字惟义号西郊称與十
郎東都四谷人所著至

知編本朝名臣言行錄
行于世

原公逸

字飛卿号狂齋称豹藏
冷路人所著原子内外
篇行于世

山田正珍

字宗俊号圖南東都醫
官

田覃

字子相号南畝称大田直次即東都人

岡正懋

字公修号四溟陳人稱岡部平次郎東都人所著四溟詩集行于世

西川瑚

字子璉一字元章中_呂字_ニ長卿号國華又号蓬蒿

舍原江州彦根人今籍_ニ于東都業_メ医_ヲ所著上池

秘祿及續篇大_ニ行_レ于世蓬蒿詩集未_レ刻

酒井忠見

字龍甫号仲陵羽州松山庶公子西郊社中

秋原慶

字子邦東都四谷人年十五同上

源鱗

字文龍号東江一号來禽堂稱澤田文次郎東都人善書

源師道

以字行号竜岡東都人善書

源宗澹

字泰卿号玉芝東都人

源美德

字叔驥号鼈海東都人

赤松豐泰

字有年号竜南一号克巳亭東都人

紀弼

字君輔備前岡山人有琴曰玉堂因為齋号稱浦上兵右衛門善琴鼓

木雍

字文熙号南谿一
号芙蓉花主信陽人
今籍于東都善画山水

小瀕敬

号鳳洲

尾修平

字子成号鏡湖
称尾崎修平東都人
東真中村儒臣

小川德

字公流号青丘東都人
仕高槻西郊社中

彌井昭

字公孚号桐原東都人

彌井剛

字子柔号信齋東都人

望章

字伯煥東都人

土屋昌安

字伯礼東都人仕高槻
西郊社中

山本守道

字真藏東都四谷人
同上

相川孟

字友五東都大窪人
同上

平彝倫

字君叙号華山東都人

丹羽甫安

字李溪号遇雲齋江州
甲賀郡松尾村人業医

丹羽桃丸

号無名彦原江州甲賀
人今藉于東都

小山為滋

字子桂東都四谷人
西郊社中

森田詢

字修卿同上

杉江福太

年十一同上

大須賀匡淵

字世童東都大窪人
西郊社中

河文謙

字季遜号無為庵東都人

山致卿

字子遠号竜山同上

山高圭

字子瓊号霞関同上

山維善

字叔寶称山高梅之助
同上

古孝興

字孟起号武陵古川宗
珉男同上

越正山

字叔岳号桃源称曲直
瀨養安院東都医官

津田正輔

字公謹号新邸東都人
西郊社中

永島遜

字吉太東都市谷人年
十四同上

土岐貞

字鞠減東都四谷人

大谷木文

字友輔東都大窪人
西郊社中

田義一

字子儀号長嘯館東都人

菅時憲

字習之東都人

岡周安

字子寧號衡陽東都人

大東言集
如安
五

大東詩集

如卷

一六

林直卿

字舉叔東都人

高田信茂

字蘭英東都四谷人
西郊社中

高島美重

字子儉東都四谷人
同上

岳融

字子陽三川瑤飯人

谷希哲

字子啓号狷齋同上

植通央

字伯中号思齋一号采
真堂稱植田文藏東都
人善書篆刻及画山水

大邨詡

字德先号越南原武州
川越人今藉于東都

中里維忠

東都人

太洲

東都人

岍鳳質

字文卿号岍谷武州青
梅人

峰駿

字千里号三贈同上

高橋榮

字天爵武州川越人

源維亮

字規卿号鷺溪

晁知敬

字順卿号柳洲東都人

川孟綽

字仲裕東房人

大東詩集

生名

二

森禎卿

字周夫東都人

夏長厚

字之温同上

田順

字季婉同上

夙馬山人

新井璋字子珪東都四谷人

滕永綏

字木雞号終南東都人

越融

字仲通号含鞞齊

立懷之

字子玉

須瑜

字子瑾号總海

源顯忠

字仲良東海先生男

能瓊

字文瑤号琴嶺

室長羽

字儀父尾州人

滕知慎

字公謹号廣澤和細井次郎太夫号玉川東都人

石宣明

字子誼号召南称石金多仲熊耳先生門人東都人

大浦由戸

字瑞芳号一庵東真保原人

滕益道

字子行号華岡南勢松阪人

井黃庭

字負立東奧二本松人

中村以貞

字正夫号東夷東奧信夫人

田周之

字子翰号槐庵東奧人

藤集澤

字子鴻與州二本松人年十六

熊阪邦

字子彦号台州一号白雲館称字右衛門東奧人

熊阪秀

一名定秀字君實台州男東奧人

高木榮

字國華号貞菴業医熊阪台州先生門人東奧人

高木秉

字元彝業医同上

中木好問

字君裕業医同上

滕樸民

字元素号英庵業医同上

高木三省

字忠卿業医同上

石川正珀

字松年号鐵庵業医同上

武田流之

字子苻業農賈同上

凡河内好古

字子敏号道生業医同上

佐滕三立

名晁明字某業医同上

高橋玄達

字叔允業医同上

高橋又玄

字玄之業医同上

原煥

字伯章業医同上

高木櫟

字伯淳業医同上

菅野之義

字遵卿業農同上

菅野惟富

字教卿業農同上

菅野惟敬

字叔文業賈農同上

松本曜

字子德号仙庵業医同上

加藤質

字子文業農同上

芳賀文炳

字叔虎号淑庵業医同上

青木宗珉

字子玉業医同上

緒方修

字叔明号蘭皋業医東
奥人

小野常建

字子業号飛鳥山人業
医

高木了伯

字某業医

大東詩集

如

九

高木元碩

字子礼業 医東奥人

槻積

字德明号一庵東奥人
積郡郡山馭人

槻櫟

字道順号百州庵同上

渡邊為綱

姓源字子讓稱弥太郎
同上

山宣昭

字子問同上

安藤貫五

姓藤原字子直稱求馬
同上

安鱗

字士竜奥州會津人

大栗

字寬夫号華陽東奥本
宮人

田千秋

字夢鶴称吉田源藏羽
州秋田臣

華山英俊

字蘭卿出羽松山人
西郊社中

井湛

字子存号南臺称井上
新藏水戸人

立原萬

字伯時号東里水戸人

河世寧

字子静号西野山人上
毛人

高克明

字子啓号九峰上毛人

花澤文

南總人

廣瀨惟親

同上

姓在

篠原惟秀

同上

益德

字紀峻房州人

千賀暢政

字子舒美濃人仕高須西郊社中

馬場信友

字子愿同上

神保應興

字于德同上

種濟

字元民号南門後称箕山逸人淡海人

源康純

字少卿稱松平倉之助彦根客卿

藤共建

字子樹号華山称奥山右膳彦根太夫

龍公美

字子明号草蘆彦根儒臣

菅圭

字瓚美号中藪江州彦根人

越元嘉

字伯孔号梓溪同上

森方美

字成韶称小森見竜近江薩磨村人

奥田士元

字子愷伊賀儒臣

竹正辰

字子德伊勢人

赤松鴻

字國鳶号滄州称大川良平赤穗臣

石川陽

字東父号昆陵淡路人

大東言集
崔忠良

字

号玄水阿波人

福文祥

字履卿号愿亭一号蠹
富土佐人

高榮

字華仲号弱水称高島
總次郎土佐世子侍臣

谷建

字士興号蘭晚称冲庵
土佐人

近藤篤

字子業称六之丞備前
岡山臣

料治度

字子權備中人西郊社
中

米著

字子隱号松洞肥後大
夫

藪慈

字士厚称茂次郎肥後
熊本人

伊質

字大素号靈雨称伊形
莊助肥後熊本人

上田亨

字元勇武州稻毛人年
十五西郊社中

唐世濟

字美卿号君山東都人

飯田昌敷

字元化東都大窪人
西郊社中

土岐直休

字伯明東都四谷新驛
人西郊社中

斐克文

字子章東都人

無能軒

称前野助五郎江州甲
賀郡頓宮村人

牧友

字惟孝号維南南勢人

皆川潤

字子雲号良齋奥州白河人

巖戴

字元立号雀堤東都人

東愿

字孟憲号城峯青梅人

盛芳

字子蘭熊耳先生門人東都人

源之濟

字紀世号東隅仕綾部

岳子蕩

称大竹采藏東都人

文耕

大澤氏東都人

井慎

字文恪東都人東海先生門人

唐郁

字文伯松本侯臣東都人同上

山盈

字進卿東都人同上

佐繹

字成叔東奥伊達郡保原人綾部侯之医官同上

村柔克

字高明東奥人同上

源欽

字士文東奥人同上

岡忠良

字士懷東奥人同上

谷信

字義甫館林侯侍医春谷以泉男十四歲

志村俊明

字子德 采名 疾 医官

源衡

字子玉 東奧伊達人 野
子業先生門人 山形 疾
医官

龜田翼

字圖南 号鵬齋 東都人

源辰

字君岳 号烏石 東都人

峰宗英

字元華 号葱岳 武州岩
淵人 業 医

黑澤嚴恭

字子儉 東都人

泉豐

字君章 称春安 東都人

倉賢

字子良 号龜峰

合離

字麗王 号圖南 浪華人

葛張

字子琴 号蠹庵 同上

片猷

字孝秩 号北海 称片山
忠藏 越後人

本孝輔

字文卿 東都人

佐藤良

字士貞 号十洲

村瀨宗昌

字世美 信州人

峰真

字子元 号泰岳 武州青
梅人

藤之猷

字子馨東都人

池雄安

石州濱田侯侍醫字守

樋口器

字季成稱元良肥後侯侍醫

伍負於

字子安本姓齊藤前人以醫仕久居侯詩受

東里先生著懸壺集藏于家稱五味玄隣

岡島順

字忠甫号安齋

源敏樹

字稷卿稱辻弥藤次龜山侯臣

井敏卿

字子慎号今井松庵東都人

參議定福

稱梅小路三位

内藤政陽

字子温延陵侯

井氏

名絲字孟紉金我先生孫女九歲

高氏

名藻字采蘋東與伊達郡高周挺女東海先生門人

天爵

字履仁号恒庵一号慎齋武州河越人

山本信有

字喜六号北山東都人

佐和等平

石州濱田人

森鐵

字大年号東郭東都人

福頌

字庭直号玄洲白川医官

扶搖公子

姓滕名聚

長孺公子

姓滕名嬰

正識

字子遠号鳳樓一号游藝館武藏忍侯

源文成

字子章氏曰乙葉東都人十三歲

中臣國

字子野号蘭齋與州人

蓋延齡

字康伯号鳩陵東都人

藤尚綱

字子錦

江良顯

字子咸称江添勝左衛門東都人

滕桓

字子虎称藤吉嘉一兵衛姬路侯臣

服圭言

字子訥号東洋東都人

木眾

字子容号松洲称鈴木儀左衛門仕于忍藩有集未刻

田邦光

字東都

無名氏

大東詩集
姓名
又十六

正樵夫

西郊鄙人

平曉

字子巧号鎌臺相州秋

源成章

字斐卿号葆光堂称中西源兵衛東都萱洲人

安藤廣峯

字子德号蓬壺東都人

不破宣尹

字子明号南涯加州金城下人

釋大潮

西肥人

釋淨壽

字天年号終南一号介石南勢人

釋竺常

字大典号蕉中江州人

釋元明

字悟心南郭集悟心作吳岑号荷庵又号一雨庵南勢人

釋六如

慈周号白樓

釋道潮

住麻布山中善光寺

釋徵

号華亭東都人

釋天英

字廣忍熊阪台洲先生門人

釋田翁

字之丞同上

釋玉周

住奥州布川村茂林寺同上

釋應元

号大光武州岩槻人西郊社中

釋順察

号觀峯東都大窪人

釋廣流

号獨有房州人

釋惠空

字活泉越後高田人西郊社中

釋閑公羽

号無為庵江州甲賀人

姓名

道士玄之

号觀行院熊阪台洲先
生門人

道士春洞

号正膳院同上

釋淨復

字聞中号芝庵伊勢人

釋秀全

武州河越人

釋道布

字袋翁号兜率一号副
芋東都人所著副芋餘
適未刻

釋周全

字天鑑号華谷房州人

釋大道

号透関薩州人

釋透関

西肥人

釋方圓

同上

釋德龍

越後蒲原郡無為信寺
僧十歲

大東詩集卷之一

東都書肆 藻雅堂輯

五言古

述志酬西子璉 劉維翰

達士無所累，節操殊世倫。
混俗簞糝糠，蔑視若埃塵。
自抱渭辛志，被服義與仁。
摸聖希禮樂，游說賤儀秦。
非遭殷周世，迥遠失要津。
羞將彫蟲技，被

稱文藝人柔翰亦何物弄玩何費神
凡民葉公嗜眇眇謾欲馴好惡從他
論悠悠任屈伸還怪琶湖客逐臭東
海濱嘉藻如新葩惠贈鬪芳春諷詠
傾樽酒苑中花鳥新纏牽榮辱際何
能長苦辛偶得同懷侶寄言謾相親

送嚴同甫還彥嶺

宮田明

彥嶺鬱峻險作藩淡海潯戾歸守其
國車騎肅駸之子從祗役離思固
難任况此同心侶結交比斷金節概
修古學把臂寫心襟忽復千里隔邈
若商與參黯然恨益切良遊何歲尋
夏日勞遠涉長路向故林徂暑何烈
烈山川峭且深加餐以自最願無有
遐心

哭稷卿

松崎惟時

秋風動微涼草木稍凋落寒暑更徂
 遷之子歸幽宅感物傷舊遊結交念
 夙昔在我總角時忘年自相索許余
 以國士投分義不薄兼復通家好一
 身共休戚海內多友生豈伊歎寂寞
 人世知己希神期不易託冉冉老將
 至安得同心客年命如飈塵詎云幽

明隔

弔古墓

緒修

古人已不見落日悲風多城中都秋
 草墓上只鳴鴉銘誌半剥落樹木繞
 藤蘿借問何人墓言士出漢家泉下
 一骸骨英魂在長沙

律排

宿延山久遠寺

木雍

千嶂闌香閣安禪心地平雲侵回磴

大東詩集 卷一
三十一
暗月出化城清檻外峰巒近林頭瀑
水鳴三天明日夜下界變陰晴石古
先師坐山餘長者名幻鄉歸覺道精
舍起經聲路險人難到林深鳥不驚
滿堂諸品靜信宿得無生

送西子璉

田覃

男兒志四方以應懸桑弧匏瓜徒自
繫不食奚所須客自關西來云觀東
海隅東海何決衆流歸一區車馬
闐城郭第宅溢通衢仰見青雲飛俯
嗟白日徂離鄉已三歲食貧婁且孤
薄言辭此土適彼寧樂都

其二

仝

寧樂是舊都淡海是故鄉舊都雖共
美故鄉安可忘迴車由便道負笈到
高堂慈母倚門久相迎手解裝藜藿

當甘毳樂飲進壽觴行矣安定省遠
游必有方

答西川元章 山田正珍

白露已為霜蟋蟀亦在堂汲之苦日
短戚之憂夜長起坐抱素琴將自瀉
苦心按彼高山曲淒其聿疇尋忽獲
我之唱感茲眷言深寧向千載覓旦
暮有知音

薜蘿館集同西子璉賦

井敏卿

歲晏高堂宴厭之歡未央愛此君子
室芝蘭一芬芳殘雪被庭階玉樹粲
生光肯酒清以美促坐飛羽觴主人
醉樂且萬壽應無疆坐有絃歌曲渺
渺繞屋梁嘉賓吹玉管音聲一何長
小人托末契拱手共彷徨鼓瑟且吹

笙聊和鹿鳴章

子夜吳歌

西川珣

空閨月色明，閑山何處在。獨夜含愁，情不須粧粉。黛願隨清影去，萬里到邊塞。

贈井子慎

無名氏

漫漶東海水，巍峩江都城。昭昭銀漢，星粲自成行。宮闕何秀麗，王公居

其邦。黎民仰聖德，君子樂昇平。此文明世，歡娛悠且長。願君酌美酒，隨時愛景光。

旅興

仝

楓林群物肅，金風天氣涼。篠池瀏其清，扶渠猶動香。寒草零露溥，灑灑衣裳。永夜莎雞鳴，素秋已在堂。慷慨憐遠遊，遠遊滯異鄉。登高望山河，山

河迥且長，老母與弱弟，阻在天一方。
契闊二經秋，感嘆空斷腸。傷懷當語誰，
俯仰常不忘。太息何時已，悲歌自成章。

其二

全

自聞鴻雁聲，旅思日依依。九月肅霜
隕，園林木實肥。十月北風起，園林木
葉稀。時物次第變，秋色淡相輝。遊子
黃金盡，無褐復無衣。佇立非所望，天
涯心事違。愴惻不可道，留滯殊未歸。
苦辛肝肺摧，喟然感式微。

詠史

全

武仲隱逸士，洗耳潁水濱。芥蒂天子，
讓振衣，不欲聞落。飲牛客箕山，遂
隱淪。夷齊烈丈夫，德義得其真。首陽
采薇蕨，高節亦殊倫。至及飢且死，作

歌出浮雲賢哉此兄弟求仁而得仁
 世榮非其志比之若埃塵遺烈依然
 存永世自足陳悠々萬歲後榮名卓
 不群

流螢篇

西郊鄙人

天化腐草資遇為榮々器晨露堪當
 虛晚風適我志不辭叢澤中非為易
 高地决起黯昧間韜光猶見異群蛙
 與莎雞孰憂又孰媚蝓蟻與蠨蛸誰
 侮又誰忌死當距飛箭生當照經義
 雖知生有涯豈安小成意忽仰明月
 輝眩洋自慙愧

寄題河季遜新居

原公逸

環堵庭除窄狹斜官道通卜隣兼市
 近汲井與人同行賣家々閑閑居事

事融炊烟横，樹杪倒景照樓中。嘉會
情容盡清言，理不窮肉勞。朱亥手酒
呼，杜康僮繡虎誇才美，屠龍笑技工
臨池。作墨結字，垂虹尚友收畫
帙。列仙朝桂叢，稚川若為者，千古慕
遺風。

冬日遊覽詩

源維亮

盤紆野逕轉，遠出青山郭。流雲遙搖
曳，淒風何蕭索。洲邊泛哀雁，皋陰聞
鳴鶴。雪滿分連峰，冰合靜幽壑。薄言
留短筇，開尊聊怡樂。枯草猶似毳，藉
得好對酌。幽意謀野獲，豈羨宛與洛。
游覽未渠央，暮烟忽漠漠。仰驚短景
馳，回首日已落。莫羨昔人遊，斯游即
作昨。

過琵琶湖

須瑜

江關巴湖渚二月客裡時湖城烟中
聳芙蓉雲端垂何處弔湘女只催楚
臣悲晚來雁飛盡群居鳴高岡總無
客來求勝處與古場倚杖問老夫啣
杯坐月光忽驚滄浪響歸思萬里長
某禪寺假山水歌

高克明

越公安禪地往來多少峰下小蘭

若手栽一株松身如虛舟靜心與雲
從容無由掃蘿石苦吟信所蹤不寐
墜葉響颯入霜鐘推案瀛海近歎
枕仙嶂重溪深魚漈人稀草茸
寧願泉石美頗愜萬事慵既觀物性
盡况與道心逢巖下千餘尺聊隨護
法龍

雜詩

源鱗

大東詩集 卷一
結廬在江上江聲日夜流俯為逝者
歎日月何悠々被褐從所好斗酒聊
忘憂靜嘯望霄外長歌欲誰酬朝出
漱正陽夕步狎海鷗桂林鬱彌路蘭
葢盈芳洲翹迹慕洪崖振衣懷浮丘
曠哉神仙府道遠不可求翩々衆鳥
飛洋々群魚浮逍遙有真意且還坐
江頭

早春純卿病起見過

井通熙

東風吹千里飄々紫陌塵憐爾解醒
後不復避酒人但飲七八斗握手醉
青春百年易為感豈不愛此身文章
是芻狗功名若浮雲所遇皆小艸未
隨鹿豕群萬事成掣肘世路多苦辛
念爾忤時好白眼誰能馴無乃獨來

往奇氣為我振悠悠，向天地此道難具陳。

酬河合子安

合離

遺我一函札，緬想鄉里人。開緘如有舊，修辭始見新。彼有祖先宅，知與君近隣。我昔掃墳墓，已過二十春。音信日踈濶，無由訊舊親。鄉黨雖未見，得君為具陳。願借飛鴻翼，蘆江到荻濱。

池雄安兄見過報彈冠之興因

賦一篇贈之

岡島順

十載忍霜雪，春風榮花新。幽香通東岳，美艷映北辰。每對彼明主，偏覺此穢身子。已朱門客請休，笑彈冠鱗能化。溟海羽善避金丸，豈必無風逸尚喜。有龍蟠馬卿依，狗監亞聖附青雲。今日垂氣運萬世，傳令聞誰當疑禍。

福特堪信命分弟子不肖師實愧細
腰蜂丈夫莫得官未及秦代松鬢毛
既斑白自若守愚惹張儀一箇舌蘓
氏十頃田浮沈猶糾索何論彼卷
饑鳥鳴枯木賴君訴倒懸

詠史

宮田明

戎狄亂晉室中興摠維揚後嗣威德
薄功臣勢甚張桓温氣英邁逼上非

無將吾慕謝文靖浩不可量洪流
歌不虛無異羊將狼溫柔濟坎險患
不在蕭牆苻堅謀一統秦國固富強
百萬投鞭渡忽敗肥水傍於此軍興
日圍棋都如忘舉親不避嫌忠誠無
他腸將帥亦智勇獬豸一朝襄弱冠
耽山水遂作股肱良懷寶不迷邦智
愚應行藏勲業高一代千歲流芬芳

松大經見過致國鸞書感懷之

作率爾却寄 全

昔時握手飲談劇若無人舊友多物
故所親隔胡秦肝膽向誰吐蓄念幾
時伸蠹魚貪書帙憔悴小渠濱羨君
殊矍鑠優游樂老身芝蘭秀庭階連
壁席上珍才難為兄弟亦知一陸倫
色養陪膝下脩業德日新孝友施有

政矜式化國民二即忽枉顧委曲得
面陳君足人所願其娛靡不真

九月十三夜有懷

入江貞

青天懸明月臨照獨輪窻窗前鶉衣
薄戶外鳴杵雙貧鈇彈吾舍富鈎垂
幾江尚有黃金菊須傾白玉缸我心
易感物不寢聽犬吠如何狂簡子離

索在他邦

歲暮感懷

伍貞於

今年半、逆旅往還如白駒、負笈攀函
谷、書劍入帝都、南國探名嶽、歸路向
岐蘇、不厭蜀中嶮、顧望慕前途、日月
如過客、歸來歲月徂、閉關風雪夜、高
枕夢江湖

賦王卮彈琴為人壽

岳融

王卮王母女、常奏一弦琴、拂弦製妙
聲、止弦有餘音、六龍乘雲驤、四海咸
遨遊、玉卮駕白龍、挾琴覽九州、高堂
啓丹扉、煜爚何粲々、瓊盤盛甘桃、朱
華錯其間、金盃盈旨酒、殊香紛如蘭、
阿母坐西櫺、玉卮降東廂、一弦為君
彈、五音隨風揚、青雀奄來舞、白禽從

大東詩集 卷一
翱翔此曲和心腸四坐樂且娛玉卮
承遐紀延壽千萬餘

鎌倉懷古

尾修平

霸圖靡率土猛氣滿扶桑碣石排燕
昭章花奪楚襄昔為端委地今起黍
離場夷鑿堪當敵湘江可運航嗟命
不于常一朝城復隍空餘臺館跡千
載此徬徨
大東詩集卷一終

大東詩集卷之二

東都書肆 藻雅堂輯

七言古

酬度会敬文有所思行見寄

松崎惟時

南海煌煌出明月美人贈我色清澈
音容遙隔碧雲瑞肝膽欲傾限胡越
海內風流君所知病夫嫩廢何須說

三都自貴洛陽紙玄晏先生真忝竊
莫論騏驥少壯時老來駑馬傷毛骨
當年結社在商山天下文章指掌間
如雲俊傑歸門下相許千秋日解顏
豈意獲麟成絕筆山頽梁壞不可攀
余向朱門悲薄官愧君回首問塵寰
欲望芙蓉天半雪由來紫氣滿函關

賞菊篇

宮田明

九月黃花發庭裡世人賞菊屬奢侈
千品萬種競新起為圃峻宇彫堂前
蔽日遮風繡幕連歌舞絃管張盛筵
花開何處不秋芳環堵蕭然薜荔檣
獨含濁酒擬柴桑

松子良卯子蘭同遊富嶽因賦

贈送

安修

芙蓉神秀壓衡嵩路轉千盤到上宮

此詩七
言排律

陰壑雲蒸，天地白。扶桑日躍，海溟紅。
琅玕交映，瑤池曲水，雪殊寒。玉井中，
大麓峰巒連培塿，齊州郡縣結鴻濛。
僊蹤攜手探求，遍帝坐，回頭呼吸通。
狂發書傳韓子，哭興來詩奪謝公。工
應疑遺世乘飛鶴，且訝憑虛御遠風。
垂老吾無濟勝具，壯游偏恨不相同。
德永翁六十初度壽歌

紀德民

翁也嗜酒，不願仙。唯道醉情足，延年
今日引客觴，華甲山味海珍何粲然。
君家已見神丹熟，君枝况稱三折賢。
或僅得上壽，尚教半世全。我欲從君
亦時飲，悠悠二萬餘日天。

子規啼

西郊鄙人

春盡江頭多子規，聲啼血何處之。

樓上夜深猶未寐，起來簾外浮雲垂。
浮雲千里望何極，池邊風開燕子花。
生憎次艷奪朱色，獨掩明鏡惜容華。
玉闕幾歲音書斷，空房唯聽子規聲。
憑汝欲寄愁思切，還恐良人夢難成。
為西川子璉題蓬蒿舍歌

野公臺

蚤事真人授禁方，三年賣藥市門傍。

市門陋巷可棲息，卜築新開孤草堂。
杏樹移栽數畝陰，蓬蒿滿徑一何深。
垂帷日昃耽經籍，誰識主人高卧心。
主人原是狂簡士，且向人間試方技。
餘力學文能賦詩，挾筴時游藝苑裡。
老夫嘗定忘年交，尚論言志識汝高。
如汝青雲終可致，男兒何為老蓬蒿。
請為汝作蓬蒿詩，汝且靜虛聽其辭。

大東言集卷二
四
縱然青雲終可致汝慎勿忘蓬蒿時

望仙詞

溪旭師將入定諸君往訣焉

余不果往乃作斯詞

全

與君一別三十年我住人間君得仙
與君相距三十里君住山中我在市
君今將欲昇天去許我暫往詣君處

白雲縹緲隔仙臺思君不見空歸來

感述贈宇潛水 全

仰慕護園夫子尊生來不逮遊其門
室家之美雖難見私淑於人飽受恩
信陽已沒周南迹二子風流不可覲
曾見南郭服先生夫子道存于目擊
又就高生問作詩後從餘子論屬辭
高生服生相繼逝今年餘子忽然萎

龜山松子我畏友切磋商問難交已久
往歲倏為地下即天假之才不假壽
斯文寥々長已矣耆德唯餘宇瀉水
此翁七十矍鑠哉躬任斯文力未弭
家藏萬卷積如山考索群書手自刪
斷簡殘編日就緒護園遺草出人間
梁壞以來五十年典刑獨有此翁傳
酒間且說牛門事享保風流在目前
君不見世儒紛紛知道希各持門戶
爭是非物換星移人代改微君我輩
與誰歸

題神立叟百布袋圖

西川瑚

彌勒化身稱布袋莞爾嬉戲愛兒輩
妙工下筆拂絹素文彩風流貌情態
善畫百出窮奇狀開卷百狀屹相向

神立老叟隱逸人久耽書畫養谷神
畫中布袋百狀出百狀布袋自有真

病中放歌

種濟

昨日卧病無一事今日卧病仍昏睡
可愛無客能自問可愛有病能無累
世上何處無窮路此中窮路復不苦
世上何處無沈浮此中沈浮復不憂
偃蹇終日床褥上日作華胥樂國遊

飛鳥山放歌

谷友信

出郭西原已數里欲遊春山白雲裡
野寺松林僻逕通探花聽鳥渡流水
飛鳥山中花樹春晚花棲鳥媚相親
年々載酒青山路歲々看花白髮人
可憐青山迎白髮能令詞人賞花月
月林花樹白紛紛錯疑深山對晴雪
折花弄花醉不歸溪月山花盈我衣

別山步月花相負，明日春城望翠微。
寄贈韓客成龍淵

井潛

東韓書記成司馬，文采一時動朝野。
翰墨場開牛渚頭，一見風流知溫雅。
翩翩筆華倚馬才，陳阮徒當出其下。
趙公吏曹銓衡職，拔擢賢能有鑒識。
駉牝三千何其多，可知取駿空冀北。

目前青雲嚴在位，隨行多士一翼。
君今以書紀從趙公，玉帛修聘萬里。
國他日若問海東事，記在胸中山川。
邑山川勝事知多少，世外九州禪海。
繞乾坤日月別自開，初覺赤縣神州。
小虎豹九關渺逶迤，早設舟梁望旗。
旒延陵季札賀嗣君，大風論樂東海。
表我藩郊勞覲國，賓餼牽芻米饗具。

新共接筆研諸文學異人金花折風
巾相看不言皆拱立云是神仙中之
人百年此會豈平々筐皮為君欲倒
傾大禁恨忌盃中物尚自揮毫百篇
成豪氣不用借一斗患多藻思自縱
橫四明山人自稱狂漫陪春遊翰墨
場獨立下風覺形穢自道明珠在我
傍又道蒹葭倚玉樹珍愛朗々入懷

光春風忽轉錦帆去耿々月色悵望
長千里如問相思切我業在揚水第
一章

源君七十賦此為贈

井通熙

君家駿馬行千里珠勒錦韉春風起
君今七十意氣深據鞍顧盼攀桃李
飛花亂撲舊練袍衆中孰謂吾老矣

兒孫為壽酒如澗，筵前傾杯肉如陵。
可能不稱烈丈夫，那論伏櫪叩玉壺。

送九峰山人

全

片語論交傾蓋時，俠氣還令我輩知。
九峰突兀烟霞湧，春風歸騎惜別離。
人間去住那如此，百年盡是東流水。
君今手披南華經，莊生千載竟不死。
興來高咏招隱詩，揮毫龍蛇雲滿紙。

須臾風雨倚嵯峩，箕裾長嘯鸞聲起。
此處新栽桃李樹，門前斜通采桑路。
但說加餐須自愛，黃鵠高飛誰可慕。

送恭卿歸鄉

河世寧

金谷高人尚幽玄，不入城府四十年。
頭白不宦又不娶，閑房日披道德篇。
興來獨往無所俟，饑餐栢實且石髓。
鶴髮朝梳松下風，葛屨暮度花間水。

前年尋師來向東訪道求藥事不終
忽爾一夜乘明月清興冷然復御風
吾聞名山鍾秀氣安知君身仙骨備
到日倘寄空中書一片摘贈南山翠

老農

高克明

躬耕白雲客心與白雲俱不自論榮
辱無財問有無晨臨谷口飲夕向酒
家沽詩就還自吟手披五嶽圖頭上
葛巾落復戴逐鳥尋花無窮途功名
安恬在身後此翁生平獨守愚

題高陽山人畫蘭亭宴集圖引

源鱗

山人才名素相聞繪事般礴獨超群
兼將詩賦滿江湖自稱吾是高陽徒
餘酣興來聊一筆為我寫寄脩禊圖
憶昔風流永和年恍惚山陰暮春天

太原孫氏陳郡謝列坐少長會群賢
崇山峻嶺開咫尺茂林脩竹自蒼然
山水清音託心賞何必絲竹與管弦
俯仰天地幽情足一觴一詠曲水前
遊目騁懷信堪樂人世自適真可憐
將軍興感揮翰墨蠶繭鬣鬚何嬋娟
文工書聖盡善美適美勁健絕代傳
君不見見蘭亭高宴空陳迹偶覽斯文

歎往昔自從神蹤入昭陵唯有定武
留玉石東江逸民耽臨池臨摸半世
鬢如絲對此不知老將至春風把酒
坐第茨縱觀咨嗟丹青妙借問古來
能畫師龍眠老死不足數世上浪得
周郎碑山人新圖開生面意匠磊落
老益奇遮莫尋常多俗眼苦心愛者
舍吾誰

箕尾山瀑布歌 福文祥

蠹窩蟄生物情閑
閉門久謝名利關
平生唯耽詩與画
竟日動止水墨間
午窓無事獨欲眠
有人忽說城北山
山水佳麗堪可看
賞心一且有意攀
幽興勃窣不可止
杖屨飄然出人寰
郊外春風踰村
閑行稍覺遠世喧
滿眸翠碧向箕山
春闌山路蒸嵐昏

天祠遙通古磴前
古磴取途入松煙
鳥道危峻沿峭嶂
嶄岼絕壑路如懸
瘦藤蔓蘿縫頽崖
下一派引奔泉
咽石潺湲聲不絕
溪流曲、幾折旋
一簇青綠數點紅
艸樹若黛花似然
千般烟霞萬種雲
前巒後嶽峰相連
湍響驚處澗一轉
忽見飛瀑下山巔
直疑玉虹掛斷壁
還比銀河落九天

百仞穿石、欲摧千尺瀉巖、似顏
噴濺珠亂、六月雪怒吼魄消、數聲雷
嘆賞且踞寒潭、磯空翠冷、濕客衣
遊人至此、多異想恍惚、心醉遂忘歸
獨來徘徊、爽神魂胸襟、滌却人間煩
漸看西峰日已沉、千群歸鳥晚風翻
短筇芒鞋、歸去遲一丘一壑、山月隨
回望方纔經過、地探勝此興復何時
嗚乎名山古今變、塵宇人工終損自
然姿、寄言萬古山上靈、長護箕尾天
造奇

多胡侯別莊賞紫藤同鵜公及

諸子賦

源惟馨

使君風流開別莊、墨水之東猿水傍
繞苑珍花次第發、春去轉憐芳未歇
中有紫藤殊可賞、不惜濃艷借吾黨

行雲容裔帶朝曦陽臺枕席欲薦時
何妨看奪醉顏朱映來彩筆句成珠
且欽此物施條枚賴從君子既醉回

池上吟

源欽

嘯涼夫兮愛月來臨清池兮詠徘徊
清池皓月長如此秋風吹兮不悲哉

春夜宴友人莊 伍貞於

故人別莊夜色清園林朦朧花時榮

主人灑埽能愛客柴門竹榻此逢迎
金罍玉壺酒千斛勸來明月花間生
池塘芳艸通野徑幾處鳴蛙鼓吹聲
不知琴瑟流水曲徘徊長嘯入詩情
暗水明月泉石際忽聞雞鳴下五更
雞鳴鐘傳已思歸白露幽香引吾衣
曉風落花影不見唯見曉雲落月飛
盛宴偏恨春宵短明朝何必謂昨非

傷逝

哭女

龜田翼

掌中、小珠愛尤異、豈憶一朝過墜地、
摧毀多麼難、再歸空掩涕、淚荆棘棄、
荆棘之中不可處、黃泉曼曼長且阻、
死生幽明兩割開、一本恩愛難、鬢去
只思一見、藐無由、仰見雲烟、俯看丘
蓬蒿埋骨長已矣、白楊蕭蕭、淚難收、
曾為賀絲織汝衣、半繡孔雀、東南飛

直傷心意、平曩昔、精魂惓惓、空斷機、
三月春闌、鶯聲老、上有綠桐、下蔓草、
時物顧我、又適我、斯時思汝、使心惱、
怨慕蔚々、情自頑、願得來歸、幾開關、
孩顏啞聲、不去咫、髮鬢在於眉耳間、
一日思汝、十二時、陰雲黶々、雨為絲、
短夜晦明、何如歲、見月看星、長傷悲、
汝已有兄、僅四年、復明、伶倫與汝、憐

出遊折花歸求汝兄弟天至厚不捐
獨怨天祐於汝薄死生幽明長相隔
父母相對不相言昏倒泣盡血滴

奉贈餐霞八公子 岳融

八斗奇才七步詩祇看公子那得疑
只是今時纔弱冠莫愁天下人未知
白首終期文章伯公子掉頭復有誰
猶加努力策奔馬寸陰欲沽無賣者

悠悠虛悔大時白日忽沉桑榆下

八百杉歌贈節蓴上人

佐和等平

雲海西指隱岐島蒼波森茫不易到
五色彩雲瀛洲外天近地靈堪不老
此地暫住神仙女海頭手栽一株杉
神女遐齡八百歲古來同名八百杉
標梢森々千星霜蟠根委蛇繞坤軸


朝擁海風拂扶桑晚懸落日照西域
勁葉露灑翡翠翰老幹霜暴野雞班
後來衆木頓減價幾箇神仙此避雨
上人嘗遊兩島中上人平生好竒古
手自裂得杉樹歸歸來珍藏上方扉
上方從來生紫氣異香千載自依々
如今神去人不識即應山上餘氣色
羨君名已在丹臺十洲三島由君得

山行觀瀑布

滕桓

夏樹蒙籠鎖空山丹梯欲躋未可攀
迴厓萬轉迷烟霧畏途勃窣凌險艱
上有千尺之瀑布絕壁幽鳥不飛還
風湍喧逐響不絕白虹下飲碧澗間
衝波十道濺林壑宛如玉山崩而落
雲冷六月起寒烟一洗暑熱弄潺湲
神往日窮興難盡揮來彩筆擬謫仙

5年 1月



大東言集 卷二
土或土見尔酒是言
不見山行賦瀑

天保三年

壬辰年

酒井氏

七

壯哉壯觀亦猶是君不見山行賦瀑泉

大東詩集卷之二終

天際之山

壬辰年

酒詩

